

Ekonomi Orang-orang Melayu

Dengan kemerdekaan yang diisytiharkan pada 31 Ogos, 1957, di Persekutuan Tanah Melayu, maka dengan sendirinya orang-orang kita Melayu akan mendapat peluang-peluang yang baik, sebagaimana yang telah dijanjikan, di dalam perkembangan meninggikan iktisad atau ekonomi orang-orang Melayu.

Di dalam tiap-tiap perusahaan yang berhad maka modal-modalnya hendaklah terdiri dari 51 peratus orang-orang Melayu dan kerana itu timbulah seruan-seruan dari pemimpin Perikatan menyeru orang-orang Melayu bersiap-sedia mengadakan modal-modal untuk merebut perkembangan-perkembangan itu.

Sedikit masa sebelum Malaya merdeka, Perdana Menteri Persekutuan Tanah Melayu Tengku Abdul Rahman tatkala itu menjadi Ketua Menteri Persekutuan Tanah Melayu tatkala menjawab soal-soal yang mengenai bantuan kepada orang-orang Melayu di antara lain beliau mengatakan: bahawa RIDA telah rugi 5,000,000 ringgit disebabkan bantuan-bantuan yang diberi untuk meninggikan iktisad orang-orang Melayu. Sebabnya ialah kerana orang-orang Melayu tidak ahli di dalam menyelenggarakan perniagaan dan perusahaan dan kerana itulah bantuan-bantuan itu tidak mendapat kejayaan dan oleh kerana itulah cara-cara memberi bantuan kepada iktisad orang-orang Melayu, daripada apa yang berlaku, bertambah-tambah diperkatakan sehingga sulit bagi orang-orang hendak mendapat pinjaman itu.

Kesalahan-kesalahan yang berlaku dalam memberi pinjaman itu tentunya ada, yang pertama tidak terlebih dahulu mengadakan penyiasatan yang luas kepada kelayakan dan kebolehan orang yang menerima bantuan itu - sebab pinjaman dihajat dan kebolehan-kebolehan dalam menjalankan usahanya serta kesungguhan-kesungguhan dalam tiap-tiap perusahaan itu tidak disiasat.

Hal-hal yang demikian patutlah kelak menjadi cermin bagi orang-orang kita Melayu dan patutlah pula rancangan

membantu ekonomi orang- orang Melayu itu tidaklah hanya diletakkan kepada modal, tetapi kerajaan Persekutuan wajiblah mengadakan undang-undang atau suatu cara, umpamanya mewajibkan tiap-tiap perusahaan orang-orang Melayu (kadet-kadet) belajar dalam perusahaan itu dan mewajibkan tiap-tiap perusahaan itu mengajar orang-orang Melayu sama ada dalam perniagaan, perusahaan dan seumpamanya.

Kalau tidak didikan maka dengan sendirinya orang-orang itu tidak ada keahlian di dalam mengurus usaha-usahanya dan walaubagaimanapun kelak bertimbun –timbun wang yang akan diberikan untuk menaikkan iktisad orang-orang Melayu, tetapi hasilnya tidak akan didapat bahkan kerugian jua yang akan timbul, kerana sudah terang mereka itu bukan ahli dan bukan orang yang berkelayakan untuk menjalankan kerjanya dengan bantuan modal daripada kerajaan.

Di sebalik itu cara menentukan modal 51 peartus bagi orang-orang Melayu itu, sebagaimana yang diwar-warkan menurut pandangan kita, adalah akan menjadi sia-sia belaka. Sebab keadaan dan kemampuan orang-orang Melayu sendiri, sebagaimana yang ada sekarang, tidak akan membolehkan mereka mengadakan modal yang besar dan kerana itu harus akan terjadi kelak namanya sahaja modal daripada orang-orang Melayu tetapi yang sebenarnya modal itu daripada bangsa-bangsa asing.

Mudah-mudahan orang-orang Melayu, terutamanya pemimpin-pemimpin Melayu memerhatikan ini dengan saksama kerana apabila daripada permulaan pembangunan dalam membantu iktisad orang-orang Melayu hal-hal penyelidikan dicuaikan, maka percayalah dalam masa 20 tahun lagi kedudukan iktisad orang-orang Melayu harus lebih buruk daripada yang ada sekarang dan apabila buruk iktisad atau lemah iktisad orang Melayu dalam perkembangan siasah yang ada sekarang, maka orang-orang Melayu di Persekutuan Tanah Melayu tidak ubahnya

dan ialah kemenangan perjuangan kita dengan sebaik-baiknya dan menunjukkan kita umat Islam sebagai umat wasatan, umat pertengahan yang tahu kadar dirinya dengan hidup berpandu kepada pertunjuk-pertunjuk dari Tuhan. Bagi umat Islam seboleh-bolehnya hendaklah menjadi umat Islam yang dicontohi umat yang diteladani oleh sekalian manusia yang ada di dunia.

di serata dunia menjadi sebuah negara Islam. Itulah hendaknya cita-cita yang dituju oleh Duli Yang Maha Mulia itu. Marilah kita berdoa kepada Tuhan, berilah taufik dan hidayah-Nya kepada kita bersama supaya kita menjadi mujahid yang gugur satu berganti sepuluh dan yang gugur sepuluh berganti seratus untuk menegakkan kemuliaan agama kita, untuk menegakkan hukum-hukum Tuhan yang diwajibkan kita melaksanakannya dengan diberi amaran, kalau kita tidak menghukum dengan hukum-hukum-Nya, kita menjadi orang yang fasik, zalim dan kafir.

Ibaratnya perjuangan kita kalah, atau tidak tercapai bersyukurlah kita kepada Allah bahawa kita menjadi satu umat yang sentiasa berjuang dengan harta dan darah, berjuang dengan segala-galanya semata-mata bukan mencari kemenangan dan bukan mencari kemegahan, bukan mencari pangkat dan darjah di mata manusia, tetapi berharap akan keredaan Tuhan, keredaan yang dicita-cita oleh sekalian umat.

Alangkah indahnya simbol merdeka dengan azan di dalam dentuman meriam-meriam 101 kali itu sehingga menyeramkan bulu rompang seluruh umat Islam yang insaf, bahawa suara azan itu menyeru kepada kita, menyeru umat Islam tampil ke hadapan mengisi wadah yang ada dengan berkeyakinan kepada kekuasaan Ilahi, dan mengisinya dengan kalimah-kalimah Tuhan yang menjadi pertunjuk kepada manusia.

Rencana Pengarang

Sambungan dari muka 4

seperti orang Melayu di Singapura – segala-galanya tertinggal: di dalam pelajaran, di dalam pendidikan dan di dalam serba serbinya, sehingga kebolehan dan kemajuan orang Melayu kelak akan dapat dihitung dengan jari sahaja.

Alangkah megahnya kita menyambut merdeka sedang orang yang kita puji yang berkuasa di negara kita, Duli Yang Maha Mulia Yang di-Pertuan Agong Tuanku Sir Abdul Rahman Ibnu Almarhum Tuanku Muhammad bersumpah dengan *wallāh, wa billāh, wa tallāh* akan melindungi agama Islam, akan menegakkan kalimah Tuhan erti yang dimaksudkan oleh beliau supaya agama Islam di negara kita ini terserlah bersinar-sinar

Mudah-mudahan, sekali lagi mudah-mudahan janganlah hendaknya dicuaikan hal ini dan tatkala mengadakan bantuan itu janganlah hendaknya kelak ditujukan kepada orang yang seperti sahaja – orang yang berkelayakan dari lain parti tidak diendah dan diutamakan.